

նրում էին անգլիական զօրեղ ազդեցութեան տակ: Միւս կողմից՝ յայտնի են փաստեր, որ հնդկահայ հարուստ առեւտրականները իրենց ընտանիքում պահում էին անգլիացի ուսուցիչներ՝ իրենց զաւակների կրթութեան եւ դաստիարակութեան համար:

Սակայն իր դրուածքների լեզուից ու գրութեան ձեւերից, ինչպէս նաեւ մտքերի տրամաբանական կապակցութիւնից եւ զարգացումից պարզ երևում է, որ Յակոբ Շահամիրեանի կրթութիւնը, մինչեւ իսկ — այսպէս ասած — հայագիտութեան մէջ, շատ հեռու է հիմնաւոր լինելուց: Հիմնաւոր չէր նաեւ նրա ընդհանուր կրթութիւնը, որովհետեւ քիչ-շատ կանոնաւոր կրթութիւն ունեցող մարդը չէր կարող այնպէս անգրագէտ դրել, ինչպէս գրում է Յ. Շահամիրեանը: Ո՛չ միայն լեզուն, ուղղագրութիւնը, այլ եւ ամբողջ գրութիւնը մի անհերքելի ապացոյց է առ այն, որ նա չէր կարող կրթուած եւ որոշ լուրջ պատրաստութեան տէր մի մարդ լինել — «կրթուած» բառի ներկայ իմաստով:

Բայց եթէ նա դարձել է աչքի ընկնող մի գէժ մասնաւորապէս մեր քաղաքական շարժման պատմութեան մէջ եւ միեւնոյն ժամանակ նաեւ մի նշանաւոր քաղաքական-գրական գործիչ, դա պէտք է վերագրել ոչ թէ նրա ստացական կրթութեանը, այլ ամենից առաջ՝ իր բնածին խելքին եւ ընդունակութիւններին, ապա՝ իր միջավայրի բարերար ազդեցութեանը, կեանքին:

Այո՛, կեանքն է եղել նրա գլխաւոր ուսուցիչը, որը մի կողմից՝ ազդելով նրա տպաւորութեւ եւ ընդունակ հոգու վրայ, շատ բան է սովորեցրել նրան, իսկ միւս կողմից՝ հարկադրել եւ հնարաւորութիւն է տուել նրան՝ ինքնաշխատութեամբ իր կրթութեան բացը լրացնելու: «Ես, փոքրիկն ի ձէնջ, ընթերցայ, լուայ եւ տեսի յոյժ» — գրում է նա (74)1:

Շահամիրեանը ինքն էլ գրում է իր կրթութեան թերին, ուստի եւ բազմաթիւ անգամներ խնդրում, աղերսում է ընթերցողին՝ ներողամիտ լինել: Հայոց պատմութիւնն անգամ, որ այդ ժամանակներում ամենակարեւոր

ուսմունքն էր համարում, նա հարկաւոր չափով չի սովորել. «Տխուր է իմ ձեզ ասելը», որ ես ոչ գտայ շնորհ կրթութեան ի հրահանգս դպրութեան եւ ոչ ժամանակ ընթեռնելոյ բուն պատմութիւն հայոց, այլ այնքան, որ ի մէջ պատմութեան այլ ազգաց լուայ եւ այնքան, որ բարեզոյն Մովսէս Խորենացին եթող յիշատակ իր» (22): Կամ մի այլ տեղում. «Տխուր է ինձ տեսանել տիրութիւն իմ, որ ոչ գիտեմ կատարելապէս ոչ բառ եւ ոչ բայ հայերէն լեզուիս եւ ոչ շնորհ արհեստին գրելոյ եւ խօսելոյ»: Ու նորից հարիւր մէկերորդ անգամը խնդրում է ընթերցողին՝ «ներել իմոյ ոսմկօրէն շարագրութեան» (111):

«Որոգայթ Փառաց»-ից իմանում ենք, որ Շահամիրեանն ունեցել է բաւական մեծ ընտանիք — կին, մէկ տղայ եւ աղջիկներ (թիւն անյայտ): Ինքը մասամբ այդ հանգամանքով է բացատրում իր դրուածքների անկատարելութիւնը, որովհետեւ չունենալով «պաշտօն կան տարեկան ուճիկ յումեքէ», հազիւ էր կարողանում իր ընտանիքի բաղձազան կարիքները հոգալուց յետոյ՝ բաւարար ժամանակ դրանել գրական աշխատանքների համար:

Այստեղից կարելի է եզրակացնել, որ նա հօրից բաժան էր եւ նրա հարստութիւնից չէր օգուտում. հակառակ դէպքում անհասկանալի կը լինէին նրա զանգամանքը կեանքի դժուարութիւններից: Ինչպէս երևում է՝ նա ապրում էւ իր ընտանիքը պահում էր տպարանի վաստակով, որ այն պայմաններում հազիւ թէ նախնիներին լինէր:

Նա եղել է — ինչպէս տեղականում ենք իր մի խոստովանութիւնից — սիրուած ու լաւ հայր իր ընտանիքի համար. «Իմ ամբողջ կեանքում ես մնացի մխիթարուած, առանց կասկածների եւ սիրելի իմ տանը»: Ընտանիքն էլ, իր հերթին, ապրել է սիրով ու խաղաղ, մէկը

2) Բոլոր քաղուածքների մէջ սրբագրել ենք կէտագրութիւնը, որովհետեւ հեղինակը — կարելի է ասել — կէտագրութիւն չունի, եղածն էլ մեծ մասամբ անկանոն է ու սխալ: Լեզուական սրբագրութիւն կատարել ենք մի քանի աննշան դէպքերում միայն, երբ դա անհրաժեշտ է եղել հեղինակի մտքերը պարզ անելու համար:

1) Փակագծի մէջ առած թուերը ցոյց են տալիս «Որոգայթ Փառաց»ի երեսները: